

ternam? Quis nos, ait Apostolus, separabit a charitate Christi? Tribulatio? an angustia? an famæ? an nuditas? an periculum? an persecutio? an gladiæ? Certi sitis quia neque mors, neque vita, neque cætera alia, quæ Apostolus tam multipliciter, quam audacter enumerat, poterunt nos separare a charitate Dei, quæ est in Christo Jesu (*Rom. viii, 35, 38, 39*). Numquid non hec confirmationem ab omni hujus sententiae parte demonstrat? Scis vas tuum possidere in sanctificatione et honore, et non in passione desiderii? Spiritum sanctum accepisti tibi. Vis ut quæcumque tibi vis ab hominibus fieri, tu quoque facias illis, et quod tibi fieri non vis, alii non feceris? Spiritum rectum ad opus proximi suscepisti. Haec est enim rectitudo, quam lex utraque commendat, et quæ naturæ indita est, et quæ tradita per Scripturam. Jam si in utroque bono, et in his quæ ad utrumque pertinent, firmiter perseveras; principalem spiritum, quem solum Deus approbat, receperisti: alioquin quæ modo sunt, modo non sunt, is qui vere est, non acceptat, nec in caducis istis sibi potest æternitas complacere. Itaque si desideras, ut in te Deus eligat partem sibi: esto sollicitus sicut tibi Spiritum sanctum, sicut proximo spiritum rectum, sic ei quoque, tanquam vero principi, et patri spiritum, spiritum principalem exhibere.

8. Vere multiplex Spiritus, qui tam multipliciter aliis hominum inspiratur, ut non sit qui se abscondat a calore ejus. Siquidem conceditar eis ad usum, ad miraculum, ad salutem, ad auxilium, ad solatium, ad fervorem. Ad usum quidem vite, bonis et malis, dignis pariter et indignis communia bona abundan-

A tissime tribuens, ita ut videatur hic discretionis limitem non tenere. Ingratus est qui in his quoque beneficiis Spiritus non agnoscit. Ad miraculum, in signis et prodigiis, in variis virtutibus, quas per quorumlibet manus operetur. Ipse est antiqua miracula suscitans, ut ex præsentibus fidem astruat preteritorum. Sed quia nonnullis hanc quoque gratiam sine propria utilitate largitur, tertio infunditur ad salutem, cum in toto corde nostro revertimur ad Deminum Deum nostrum. Porro ad auxilium datur, cum in omni colluctatione adjuvat insurmitatem nostram. Nam cum testimonium perhibet spiritui nostro, quod filii Dei sumus, ea inspiratio est ad consolationem. Datur etiam ad fervorem, cum in cordibus perfectorum vobementius spirans, validum ignem charitatis accendit: ut non solum in spe filiorum Dei, sed etiam in tribulationibus gloriantur, contumeliam gloriam reputantes, opprobrium gaudium, despectionem exaltationem. Omnibus nobis, ni fallor, datus est Spiritus ad salutem; ad fervorem non ita. Pauci enim sunt qui hoc spiritu repleantur; **936** pauci qui studeant æmulari. Contenti sumus angustiis nostris, nec respirare in libertatem illam, non saltē ad eam spirare conamur. Oremus, fratres, ut compleantur in nobis dies Pentecostes, dies remissionis, dies exultationis, dies verissimi jubilei: et inveniat nos semper Spiritus sanctus omnes propter præsentiam corporalem, pariter propter cordium unitatem, in eodem loco per promissam stabilitatem; ad laudem et gloriam sponsi Ecclesie Jesu Christi Domini nostri, qui est super omnia Deus benedictus in sæcula. Amen.

DOMINICA IV POST PENTECOSTEN.

SERMO (50)

De David et Golia, et quinque lapidibus. (I Reg. xvii, 40.)

1. Audivimus ex libro Regum, Goliam, virum proceræ statuæ, præsumentem super multa fortitudine et magnitudine corporis sui, vociferantem adversus phalangas Israel, et provocantem eas ad singulare certamen: audivimus etiam a Deo suscitatum spiritum pueri junioris, ut indigne ferret virum spuriū et incircumcisum, castris Israel et Dei summi exprobrantem agminibus. Spectavimus procedentem adolescentulum in funda et lapide adversus monstruosæ magnitudinis hominem loricatum, et clypeo protectum ac galea, cæterisque terribilem militaribus armis. Si qua in nobis erant viscera pietatis, non potuimus non timere sic ineunti conflictum, non congaudere vincenti. Laudavimus magnanimitatem parvuli, quod comederet animam ejus zelus domus Dei, et opprobria exprobrantium ei a se non duceret aliena; sed tanquam ad propriam moveretur injuriam, et doleret super

contritione Joseph. Mirati sumus tantam in adolescentiæ fiduciam, quanta non inveniretur in universo Israele. Collatam denique cœlitus victorian, et divina manifeste patratam virtute, tam læti suscepimus, quam solliciti certamen spectavimus armati fide parvuli, et gloriantis propria in virtute gigantis.

2. Jam si spiritualem, secundum Apostoll testimoniū, legem esse non ignoramus (*Rom. vii, 14*), et scriptam esse præpter nos non solum exterioris superficie oblectandos aspectu, sed interiorum quoque sensuum gustu, tanquam medulla tritici, satiandos: considerandum nobis est quisnam videatur iste Golias, qui populo Dei, jani reprobationis terram ingresso, jamque multis ex hostibus triumphanti, solus exprobare præsumit, elatus et inflatus spiritu carnis suæ. Credo enim non incongrue in superbo homine superbie vitium designari. Ipsum

ataque etiam in Floribus Wilhelmi monachi Tornacensis ex Bernardo collectis ante annos quadragesitos, ut in hujusce tomī Præfatione diximus.

(50) Hic sermo, Nicolai Claræ-Vallensis Sermonibus novemdecim, Hearico Trecensium comiti nuncupatis, subjicitur in codicibus nonnullis: at nec in prærioribus, nec sequioris notæ, Bernardo tribuitur,

namque est peccatum maximum, quod Dei populo magis insultat, et insurgit specialiter adversus eos, qui cætera jam videantur vicesse peccata. Hinc est quod provocat ad singulare certamen, tanquam cæteris jam subactis. Nam et Philistæ illo in tempore timebant omnino adversus Israel inire confitum, nisi quod de Golia, enornis magnitudinis viro, eorum fiducia tota pendebat. Unde enim ejusmodi animam superbia tentet, quam sibi subjugavit invidia, seu tepiditas ea, qua solet Deo vomitum provocare (*Apoc.* iii, 16); aut pigritia, que facit ut boum stercoribus lapidetur? (*Ecdi.* xxii, 2.) Unde, inquam, ei superbia, unde extollentia oculorum, cui adeo cætera vitia dominantur, ut disjdicari se ab universis tanquam male sibi conscius arbitretur? Quis denique nisi manu fortis, qui cætera jam sibi potenti virtute vitia subjugavit, adversus nequissimum superbie vitium dimicaturus accedat? Procedat, inquam, David manu fortis, quoniam non est vincere tantum hostem, nisi in manu forti. Armetur ipse contra Goliam, qui et ursum vicevit et leonem.

3. Videat sane, utrum Saulis ei arma possint prodesse, utrum sæculari sapientia et philosophicis traditionibus, **937** seu etiam divinarum superficie Scripturarum, quam nimirum occidentem litteram vocat Apostolus (*II Cor.* iii, 6): videat, inquam, utrum his armis debellare superbiam, utrum hac via humiliatem apprehendere possit, ut onerari sese magis quam roborari sentiens, hujusmodi arma atque impedimenta projiciat, jactans omnino cogitatum suum in Domino; et de propria penitus desperans industria, sola fide armatus, non reputet Golijæ proceritatem, ne forte magnitudinis ejus mole prematur, sed potius psallat spiritu, psallat et mente: *Dominus, inquiens, defensor vite meæ; a quo trepidabo?* (*Psal.* xxvi, 1.) Nam et Petrus dum nec ventorum violentiam, nec maris profundum, corporisque pondus consideraret, in verbo Domini jactans semetipsum, nec perire potuit, nec timere. At ubi vidit ventum validum venientem, timuit, ipsoque timore protinus mergi cœpit (*Matt.* xiv, 28-30). Simile aliquid etiam nunc athleta nostro rex Saul suadere tentat: *Non potes, inquiens, resistere Philistæ isti, nec pugnare adversus eum, quoniam puer es, hic autem vir bellator ab adolescentia sua.* Verumtamen non acquiescit ille tale aliquid meditari; sed præsumens de virtute ejus, cuius auxilio priora certamina jam vicisset, accedit intrepidus. Colligit igitur, abjectis armis Saulis, quinque lapides de torrente, quos nimirum, cum levia quærie tolleret, levigare torrens potuit, sed non etiam tollere secum. Torrens quippe (quem utinam pertransierat anima nostra) sæculum præsens est, Scriptura teste, quoniam *generatio advenit et generatio præterit* (*Eccle.* i, 4); tanquam tenuis unda undam implens. Quia ergo omnis caro fenum, et omnis gloria ejus tanquam flos agri, hujusmodi

A levia facile secum trahit torrens inundans: verbum autem Domini, nullis fluctibus codens, manet in æternum (*Isa.* xl, 6, 8).

4. Arbitror proinde non incongrue quinque lapidibus istis, quinquepartitum verbum intelligi, comminationis, præmissionis, dilectionis, imitationis et orationis. Horum quinque verborum late patens copia in divinarem reperitur serie Scripturarum. Et forte ipsa sunt quinque verba, quorum meminit Paulus, malens quinque verba loqui in sensu, quam decem millia in lingua (*I Cor.* xiv, 19). *Præterit enim figura hujus mundi* (*I Cor.* vii, 51); et iuxta aliud testimonium: *Et mundus transiit, et concupiscentia ejus* (*I Joen.* ii, 17). Hæc autem verba transiente mundo non modo manent, verum etiam levigantur magis, dum pertransientibus pluribus multiplex est scientia. Jam vero collectos istos lapides contra superbie spiritum dimicaturus David in vase memorie suæ reponat, considerans quanta nobis comminetur Deus, quanta præmittat, quantas nobis exhibeat charitatem, et quam multa nobis sanctitatis exempla proponat, quemadmodum denique orationum nobis ubique commendet instantiam. Hos, inquam, lapides secum tollat, quisquis superbie vitium debellare festinat: ut quoties venenatum audet erigere caput, quilibet ex his lapidibus manui cogitationis ejus primus occurrat, percusus in fronte Golias dejiciatur, operatus confusione. In quo sane confitili funda quoque necessaria est, longanimitatis formam habens, quam huic maxime certaminis nulla ratione dcessa necesse est.

5. Quoties ergo vanitatis cogitatio mentem pulsat, si ex intimo cordis affectu divinas expavescere coepitis comminationes, seu præmissiones ejus desiderare, non sustinet Golias utriuslibet lapidis ictum [alias, jactum], sed reprimitur illico tumor omnis. Quod si venerit in mentem dilectio illa tam ineffabilis, quam tibi Deus majestatis exhibuit; an non illico inardescens ad charitatem, prorsus abominari incipis et abjecere vanitatem? Sic et exempla sanctorum si diligenter tibi consideratione proponas, erit sine dubio ad reprimendam clationem cogitatio ista perutilis. Jam vero si forte insurgeante subito clatione, nihil ex his quæ diximus apprehendere quiverit manus tua; toto fervore ad eam convertere, quæ sola restat, orationem: et continuo quem elevatum videras et exaltatum sicut cedros Libani, subversus impius, jam non erit.

938 6. Sed quæras fortasse, quemadmodum suo ipsis gladio Golijæ possis absindere caput: id enim tanto tibi jucundius, quanto molestius hosti. Dico breviter, quoniam expertis loquor, et qui facile capiant et advertant sine mora, quod in semetipsis crebro sentiunt actitari. Quoties te, provocante vanitate, ad recordationem comminationis divinæ, seu præmissionis, aut cæterorum, quæ supra diximus, confundi coeperis et erubescer-

re, devictus [*alias, dejectus*] est quidem Golias, sed forsitan adhuc vivit. Accede itaque propius, ne forte resurgat; et stans super eum mucrone proprio caput ejus absconde, de ea ipse que te appetit vanitate perimes vanitatem. Etata siqui-

A dem cogitatione pulsatus, si ex ea ipsa materiali et occasionem sumas humilitatis, quo ministrum humilius deinceps et abjectius, tanquam de superbo homine, sentias de teipso; Goliam utique Golias gladio peremisti.

DOMINICA VI POST PENTECOSTEN.

SERMO I.

De evangelica lectione, ubi turba triduo sustinens Dominum septem panibus reficitur (Marc. viii. 19).

1. *Misericor super turbam, quia jam triduo sustinuit me, nec habent quod manducant. Evangelium, fratres, ob hoc scriptum est, ut legatur; nec ob aliud legitur, quam ut rationabilem consolationem vel desolationem triade capiantes. Est enim servularibus consolatio vana de terrenarum affluentia rerum, vana nihilominus de earum penuria desolatione. At Evangelium, speculum veritatis, memini blanditur, nullum seducit. Talem in eo se quisque reperiet, qualis fuerit: ut nec ibi timore trepidet, ubi non est timor; nec letetur cum male fecerit. Sed quid dicit Scriptura? Si quis auditor est verbi, et non factor, hic comparabitur rite considerans cultum nativitatis sue in speculo. Considerari enim se, et abiit, et statim oblitus est qualis fuerit (Jac. 1, 23, 24). Nos autem, fratres, non sic, obsecro, non sic; sed consideremus nosmetipsos in ipsa, quam audivimus, sacri Evangelii lectione, ut proficiamus ex ea, et corrigamus secundum eam, si qua in nobis deprehendamus corrigenda. Propter hec enim optat Prophet a dirigi vias suas, ad custodiendas iustificationes Domini: *Tunc, inquiens, non confundar, cum perspectero in omnibus mandatis tuis (Psal. cxviii, 5, 6).* Et ego quidem non confundor, sed gloriior pro vobis, fratres mei, quoniam Salvatorem in deserto secuti, securi existis ad eum extra casta; sed vereor ne quis forte in triduana expectatione pusillanimitis inveniatur, et in Aegyptum sacerdici hujus nequam vel corde, vel etiam et corpore revertatur. Merito proinde clamat divina Scriptura, et dicit: *Exspecta Dominum, viriliter age, et confortetur cor tuum, et sustine Dominum (Psal. xxi, 14).* Sed quandiu necesse est sustinere? Proterus donec misereatur tui. Queris quando? Misericor, inquit, super turbam, quia jam triduo sustinent me.*

2. *Viam enim trium dierum eas necesse est in deserto, si gratum Deo tuo offerre volueris sacrificium; et triduo sustineas Salvatorem, si miraculis panibus desideras satiari. Prima est dies timoris; dies, inquam, declarans et illuminans tenebras tuas, interiores scitices, et horrendum gehennae supplicium demonstrans, in quo sunt tenebrae exteriorum. Hujuscemodi siquidem cogitatio, sicut ipsi nostis, nostra solet exercere primordia conversionis. Se-*

cunda est pietatis dies, qua respiramus in luce miserationum Dei. Tertia dies est rationis, in qua veritas innotescit, ut tanquam ex debito quadam naturae sine aliqua contradictione Creatori subjecta sit creatura, servus servial Redemptori. Exhinc B jubemur jam discubere, ut charitas ordinetur in nobis; exhinc aperit Dominus manum suam, et implet omne animal benedictione. Verum quoniam apostolis dicitur: *Facite homines discubere; quorum nos, licet ad confusione nostram, habetis vicarios qualescumque, discubere vos admonemus, fratres chariasimi, ut refecti pane benedictionis subsistere possitis in via; ne forte misera necessitate compulsi descendatis et vos in Aegyptum, et incipiatur vobis illudere, qui needum vobis cum in deserto secuti sunt Salvatorem. Misericorde et ipsi, qui non exiere cum exequitibus; sed plane miserabiliores omnibus hominibus, qui profecti quidem cum aliis, sed non cum aliis sunt refecti.*

C 3. Porro si fuere qui, discubentibus aliis, possumeta seu diversoria quævis absconditi latuere, homines ejusmodi jejunos vacuosque remansiisse quis nesciat? Sic et eos nihilominus, qui levitate et curiositate ducti, circumquaque veganies, minime resederunt; aut si qui resederunt quidem, sed non in ordine, nec in numero cæterorum. Hortamur profinde charitatem vestram et pastorali sollicitudine admoneamus, ne quis ex vobis inveniatur angulos amare, sectari latebras, querere diverticula;

D quoniam qui male agit, odit lucem, et non venit ad lucem, ut non arguantur opera ejus (Jean. iii, 20). Sed nec inveniantur in vobis, qui circumferantur omni vento doctrinæ, instabiles et inquieti, nihil in se soliditatis, nihil gravitatis habentes, tanquam pulvis, quem projicit ventus a facie terre. Nam de his quid dicam, quorum manus contra omnes, et manus omnium contra ipsos? Hi sunt qui separant se metipsos, animales, spiritum non habentes; quoniam nemo in spiritu Dei loquens dicit anathema Jesu (I Cor. xii, 3). Nequissima plane et pernicioissima pestis; quoniam universos unius obstinatio turbat, et fit omnibus discordiae fomes, materia scandalorum. Denique Prophetam audi, qui de vinea Domini loquens: *Singularis, inquit, fenus depastus est eam (Psal. lxxix, 14).* Pro hujusmodi rogo et obsecro vos, fratres mei, fugite simulationem omnem, et angulos propriæ voluntatis; fugite inquietudinem et spiritum levitatis; fugite